



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Jvstina V. & M. 13. Julii.

[urn:nbn:de:hbz:466:1-62968](#)

S. JVSTINA V. & M.

13. Julii.

*In omnibus tribulationem patimur
sed non angustiamur; aperiamur
sed non destituimur: persecutio-
nem patimur sed non delinquimur*

2. Cor. 4.

GEmina Dorotheæ JUSTINA est, consimi-
gli ferè morte, & prodigio à morte con-
simili illustris. Parentibus orba cùm esset,
forma tot hostes illi conciliavit, quot procos.
At illa ut cui in amoribus solus JESUS erat,
suam etiam Christianis Penelopen ostendit, &
mortales procos facile cæteros elusit? cum
Fabiano præside plusculum fuit laetandum.
Devorandæ enim alapæ, ferenda verbera, &
uberum carnificina. Atq; hæc inter suppicia
talem JUSTINA vultum præ se ferebat, ut inter
paradisi amœnitates, quas unas tunc loque-
batur, obambulare sit visa. Et oportebat al-
teri Dorotheæ alterum etiam Theophilum
esse. Zeno hic fuit è judicii subselliis primus.
Is, cum Virgo ad supplicii locum ridens con-
tenderet, rogavit, fructus peregrinos sibi è

Spon-

Sponsi hortis transmitteret. annuit capite truncanda IUSTINA. Mox latus Zenonis pulsio molliter pulsat, & donum à mortuâ Virgine strophium missum exhibet. Tunc quoque risit, cum strophium acciperet, qui horti munera sperabat. Sed ne sciebat ille, sub strophio fructus latere. Hoc enim dum frontem ridens tergit, ecce! omnem animo superstitionem abstergit, Christum & se Christianum tam diu clamat, dum lingua è fauibus exsecaretur. Caput demum pro Christo ponit, &, quod alii tam grave putant, cœlum ridendo meretur. Ex Ferrar.

MEDITATIO De fortitudine Christianorum in adversis.

S. Iustina inter uberum carnificinam vultum præferebat hilarem & ridentem ut si esset inter floridas paradisi amœnitates: non facile colligit rosas qui metuit spinas. Animo opus est ut virtutem obtineas. Sen. 4. de virtut. *Magnanimus eris, si pericula non appetas ut temerarius: nec formides ut timidus: mensura magnanimitatis est, nec timidum esse nec audacem.* Sine magnanimitate omnes virtutum conatus iritti sunt, quomo^do difficultia aggredieris? an temere? an timidè?

2. S. Iustina inter tormenta loquitur de floribus, si tu pateris an rosas an spinas reddis? an benedictiones